

ԲԱՑ ՀԱՍԱՐԱԿՈՒԹՅԱՆ ՀԻՄՆԱԴՐԱՄՆԵՐԸ ԵՎ ԶՈՐՋ ՍՈՐՈՍԸ

ՀԱՄԱՌՈՏ ՊԱՏՄՈՒԹՅՈՒՆ

Բաց հասարակության հիմնադրամները ստեղծվել է աշխարհի նշանավոր բարերարներից մեկի՝ Ջորջ Սորոսի կողմից, ով 1984 թ.-ից ի վեր ֆինանսական շուկաներում ձեռք բերած իր սեփական ունեցվածքից 32 միլիարդ ԱՄՆ դոլար է նվիրաբերել:


Բաց հասարակության հիմնադրամները ամբողջ աշխարհում աջակցում է այն անհատներին ու կազմակերպություններին, որոնք պայքարում են արտահայտման ազատության, թափանցիկության, հաշվետու կառավարման համար, ինչպես նաև այն հասարակություններին, որոնք խթանում են արդարության ու հավասարության հաստատումը: Այս բարեգործությունը հաճախ ուղղված է եղել նրանց, ովքեր խտրականության են ենթարկվում միայն իրենց ինքնության պատճառով, ինչպես օրինակ՝ Եվրոպայի գնչուները և հասարակության մեծամասնությունից դուրս մղված անձիք: Սորոսն անձամբ կրել է նման անհանդուրժողականության հետևանքները:

Ծնված լինելով 1930 թ. Հունգարիայում՝ նա վերապրել է երկրի նացիստական բռնազավթումը, որը հանգեցրեց Հունգարիայում բնակվող ավելի քան 500 000 հրեաների սպանությանը: 1947 թ.-ին, երբ իշխանության եկան կոմունիստները, Սորոսը հեռացավ Բուդապեշտից՝ մեկնելով Լոնդոն, ապա ներգաղթեց Միացյալ Նահանգներ՝ մուտք գործելով ֆինանսների ու ներդրումների աշխարհ, որտեղ նրան վիճակված էր մեծ կարողության տեր դառնալ:

Սորոսն իր բարեգործական գործունեությունը սկսել է 1979 թ.-ին՝ կրթաթոշակներ տրամադրելով ռասայական խտրականության ենթարկված սևամորթ հարավաֆրիկացիներին: 1980-ական թվականներին նա օժանդակել է տեսակետների բաց փոխանակմանը կոմունիստական Հունգարիայում: Բեռլինի պատի անկումից հետո նա ձգտել է ամրապնդել ժողովրդավարական գործընթացներն ու հաստատությունները ողջ Արևելյան և Կենտրոնական Եվրոպայում:

Սառը պատերազմի ավարտից հետո նա իր բարեգործական գործունեությունն ընդլայնեց Միացյալ Նահանգներում, Աֆրիկայում, Ասիայում, Լատինական Ամերիկայում՝ օժանդակելով բազմաթիվ նոր նախաձեռնություններ, որոնք ուղղված էին առավել հաշվետու, թափանցիկ և ժողովրդավարական հասարակությունների ստեղծմանը:

2019 թ.-ի ԲՅՈՒՋԵՆ ԸՍՏ ՈԼՈՐՏՆԵՐԻ



2019 թ.-ի ԸՆԴՀԱՆՈՒՐ ԲՅՈՒՋԵՆ

\$1.08

ՄԻԼԻԱՐԴ

ԲԱՑ ՀԱՍԱՐԱԿՈՒԹՅԱՆ ՀԻՄՆԱԴՐԱՄՆԵՐԻ ԸՆԴՀԱՆՈՒՐ ԾԱԽՍԸ՝ 1982 թ.-ից

\$15.2

ՄԻԼԻԱՐԴ

9 ՓԱՍՏ ԲԱՑ ՀԱՍԱՐԱԿՈՒԹՅԱՆ ՀԻՄՆԱԴՐԱՄՆԵՐԻ ՄԱՍԻՆ

- 1** Ներկայում Հիմնադրամները ներառում են ավելի քան 20 ազգային և տարածաշրջանային Հիմնադրամներ, որոնցից յուրաքանչյուրն ունի իր տեղական տնօրենների խորհուրդը. խորհրդի անդամները վերահսկում են աշխատանքները և սահմանում ֆինանսավորման առաջնահերթությունները ըստ երկրի կարիքների:
- 2** Առաջին հիմնադրամը հիմնվել է Հունգարիայում՝ 1984 թ.-ին, իսկ նորագույնը՝ Մյանմայում 2016 թ.-ին:
- 3** Հիմնադրամները կազմակերպությունների մեծ մասին տրամադրում է ֆինանսավորման ոչ ավել քան 33%-ը: Այս մոտեցումը ապահովում է նրանց ինքնավարությունը և ստեղծում կայուն ֆինանսական հիմք այդ կազմակերպությունների գործունեության համար:
- 4** Հիմնադրամներն աշխարհում երրորդ խոշոր բարեգործական կազմակերպությունն է «Բիլ և Մեյլինդա Գեյթս» և Մեծ Բրիտանիայի «Wellcome Trust» հիմնադրամներից հետո:
- 5** Հիմնադրամները հանդիսանում է Եվրոպայի գնչու փոքրամասնությանն ուղղված նախաձեռնությունների ամենախոշոր մասնավոր ֆինանսավորողը:
- 6** 1993թ.-ից մենք տասնյակ միլիոնավոր դոլարներ ենք տրամադրել մարդասիրական օգնության և օժանդակության ծրագրերին, որոնք իրականացվել են նախկին Հարավսլավիայի երկրներում պատերազմների ընթացքում, հատկապես պաշարված Սարանոյում:
- 7** 1996 թ.-ից մենք աշխատում ենք Միացյալ Նահանգներում: ԱՄՆ-ի մեր ծրագրերը կազմում են մեր ֆինանսավորման մոտ 20%-ը և ներառում են աջակցություն քրեական արդարադատության համակարգի բարեփոխումներին և թմրամիջոցների մասին օրենքներին, ժողովրդավարական մասնակցության ամրապնդմանը և ներգաղթի մարդասիրական օրենքների խթանմանը:
- 8** Կրկին ու կրկին, Հիմնադրամները մասնակցել է վիճահարույց հարցերի շուրջ քաղաքականության քննարկումներին, որոնցից թերևս այլ ֆինանսավորողներ խուսափում են: Մենք հպարտ ենք աշխատել այն մարդկանց հետ, ովքեր մերժվում են հասարակության կողմից՝ միայն իրենց ինքնության պատճառով:
- 9** Մեր անունն արտացոլում է մեր փիլիսոփայության հիմնադրի՝ Կառլ Պոպպերի ազդեցությունը: Իր «Բաց հասարակությունը և նրա թշնամիները» գրքում Պոպպերը պնդում է, որ ոչ մի փիլիսոփայություն կամ գաղափարախոսություն ճշմարտության վերջնական դատավորը չէ, և հասարակությունները կարող են բարգավաճել միայն այն ժամանակ, երբ թույլ տան ժողովրդավարական կռառվարում, արտահայտման ազատություն և անհատական իրավունքների նկատմամբ հարգանք: